

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI KANTON
OPĆINA TRAVNIK
TURISTIČKA ZAJEDNICA OPĆINE TRAVNIK
TURISTIČKO VIJEĆE

Broj: 1-6/22

Travnik: 28.11.2022.god

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH broj: 12/03,34/03 i 65/13), člana 14. Zakona o turističkim zajednicama Srednjobosanskog kantona („Službene novine Srednjobosanskog kantona“ broj 3/20), člana 27.stav (1), tačka f. Statuta Turističke zajednice Općine Travnik („Službene novine općine Travnik“ broj: 18/22) i Odluke o raspisivanju javnog konkursa za izbor i imenovanje Direktora Turističkog ureda Turističke zajednice Općine Travnik, broj: 1/5 od 11.11.2022.godine, predsjednik Turističkog vijeća Turističke zajednice Općine Travnik, raspisuje:

JAVNI KONKURS

ZA IZBOR I IMENOVANJE KANDIDATA ZA DIREKTORA TURISTIČKOG UREDA TURISTIČKE ZAJEDNICE OPĆINE TRAVNIK

Raspisuje se javni konkurs za izbor i imenovanje kandidata za poziciju:

1. Direktor Turističkog ureda Turističke zajednice Općine Travnik, jedan izvršilac

I. Opis poslova i nadležnosti

Direktor Turističkog ureda provodi odluke Skupštine i Turističkog vijeća; zastupa Turističku zajednicu Općine Travnik (u daljnjem tekstu: Turistička zajednica) i poduzima sve pravne radnje u ime i za račun Turističke zajednice; organizuje rad i rukovodi radom i poslovanjem Turističkog ureda; odgovoran je za poslovanje Turističke zajednice i zakonitosti rada Turističkog ureda; zastupa Turističku zajednicu u svim postupcima pred sudovima, upravnim i drugim državnim tijelima te pravnim osobama s javnim ovlastima; odgovoran je za namjensko korištenje sredstava koja se vode u Turističkoj zajednici; usklađuje materijalne i druge uvjete rada Turističkog ureda i brine se da poslovi i zadaci

budu na vrijeme i kvalitetno obavljani u skladu sa odlukama, zaključcima i programom rada Turističke zajednice i njezinih tijela; predlaže organizaciju i sistematizaciju radnih mjesta Turističkog ureda; odlučuje o zapošljavanju radnika u Turističkom uredu i raspoređivanju radnika na određena radna mjesta te o prestanku rada u skladu sa aktom o unutrašnjoj organizaciji i sistematizaciji Turističkog ureda; upozorava radnike Turističkog ureda i tijela Turističke zajednice na zakonitosti njihovi odluka; odlučuje o službenom putovanju radnika Turističke zajednice, korištenju ličnih automobila u službene svrhe i o korištenju sredstava reprezentacije; odlučuje o povjeravanju pojedinih stručnih poslova trećim licima ako ocijeni da je to potrebno i svrsihodno, a u cilju izvršenja zadataka Turističke zajednice; potpisuje poslovnu dokumentaciju Turističke zajednice; priprema, zajedno sa predsjednikom Turističke zajednice sjednice Turističkog vijeća i Skupštine; podnosi Turističkom vijeću izvješće o svom radu i o radu Turističkog ureda najmanje jednom godišnje te predlaže mjere za unapređenje organizacije rada Turističkog ureda; priprema prijedloge akata koji su neophodno potrebni za obavljanje poslova Turističkog ureda; dužan je primjenjivati pozitivne zakonske propise; obavlja i druge poslove utvrđene Zakonom, aktima i odlukama Turističke zajednice.

II: Kandidat za direktora Turističkog ureda Turističke zajednice Općine Travnik mora ispunjavati sljedeće opće uslove:

1. da je državljanin Bosne i Hercegovine;
2. da je stariji od 18 godina, ali ne stariji od 65 godina;
3. da se protiv njega ne vodi krivični postupak;
4. da nije osuđivan za krivično djelo;
5. da nije kažnjavao u oblasti privrednog prijestupa i da mu nije izrečena zaštitna mjera zabrane vršenja poziva, djelatnosti ili dužnosti;
5. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od 3 (tri) godine prije dana objavljivanja javnog konkursa;
6. da nije izabrani zvaničnik, nositelj izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“ broj: 70/08);
7. da se na njega ne odnosi član IX. stav 1. Ustava Bosne i Hercegovini.

III. Pored ispunjavanja općih uvjeta kandidat treba da ispunjava i sljedeće posebne uvjete:

1. da ima završen VSS-VII stepen stručne spreme ekonomskog smjera odnosno najmanje I ciklus visokog obrazovanja, s najmanje 240 ECTS bodova po Bolonjskom sistemu studiranja
2. da ima najmanje tri godine radnog iskustva nakon sticanja VSS, od čega najmanje 1 godina na poslovima iz oblasti turizma.
3. aktivno znanje jednog stranog jezika
4. poznavanje rada na računaru

5. posjedovanje vozačke dozvole za B kategoriju
6. da mu pravomoćnom sudskom presudom ili rješenjem nije izricana mjera zabrane obavljanja poslova i rukovođenja;
7. da nije član upravnog, izvršnog ili drugog organa političke stranke;
8. da nema privatni finansijski interes i da nema drugih smetnji za imenovanje, utvrđenih posebnim propisima;
9. da nije predsjednik niti član skupštine ili turističkog vijeća niti jedne turističke zajednice, a ukoliko kandidat vrši neku od navedenih funkcija, dužan je uz prijavu na javni konkurs dostaviti izjavu da će, ukoliko bude imenovan, odstupiti sa pozicije u roku od 7 (sedam) dana od dana imenovanja;
10. da u procedure kandidovanja sačini i predstavi Program rada i razvoja Turističke zajednice , za mandatni period;

IV. Ocijena kandidata koji ispunjavaju opće i posebne uslove javnog konkursa izvršiti će se na osnovu radnog iskustva na poslovima iz oblasti turizma. Ocijena kandidata izvršiti će se i na osnovu usmenog dijela (intervjua). Prilikom obavljanja usmenog dijela u proceduri izbora kandidata, kandidati će predstaviti Program rada i razvoja Turističke zajednice po osnovu čega će Komisija uz dodatne kriterije dodatno izvršiti ocjenu kandidata u pogledu:

- minimuma znanja o organizaciji i djelatnosti Turističke zajednice i vizije njenog budućeg rada;
- dužina radnog iskustva na poslovima iz oblasti turizma
- komunikacijskih i organizatorskih sposobnosti te naklonjenosti timskom radu;
- sposobnosti savjesnog i odgovornog obavljanja poslova na poziciji koju se kandiduje:
- sposobnosti nepristrasnog donošenja odluka
- sposobnost upravljanja finansijskim i ljudskim resursima
- rezultati rada tokom karijere

V. Uz prijavu kandidata, koja treba da sadrži kraću biografiju, e-mail adresu, adresu stanovanja i kontakt telefon , potrebno je priložiti slijedeću dokumentaciju:

- (1) ovjerena fotokopija CIPS-ove lične karte.
- (2) uvjerenje o državljanstvu;
- (3) izvod iz matične knjige rođenih;
- (4) uvjerenje nadležnog suda da se protiv kandidata ne vodi krivični postupak.
- (5) uvjerenje nadležnog suda da kandidat nije osuđivan za krivično djelo.
- (6) dokaz o ispunjavanju općeg uslova iz tačke II alineja 5. javnog konkursa/dostavljaju ga samo kandidati koji su zaposleni ili bili zaposleni u državnoj službi na bilo kojem nivou vlasti U Bosni i Hercegovini, u posljednje tri godine prije objavljivanja javnog konkursa.

- (7) ovjerena izjava kandidata da mu pravomoćnom sudskom presudom ili rešenjem nije izricana mjera zabrane obavljanja poslova i rukovođenja ;
- (8) ovjerena izjava kandidata da nije kažnjavan iz oblasti privrednog prijestupa i da mu nije izrečena zaštitna mjera zabrane vršenja poziva, djelatnosti ili dužnosti;
- (9) ovjerene izjave kandidata o ispunjavanju općih uvjeta iz tačke II alineja 6. i 7. javnog konkursa;
- (10) ovjerena fotokopija diplome;
- (11) uvjerenje o radnom iskustvu i iskustvu u rukovođenju;
- (12) potpisanu i od nadležnog organa ovjerenju izjavu o ispunjavanju uslova iz tacke III, tačke 6.,7. 8 i 9.;
- (13) dokaz o posjedovanju vozačke dozvole B kategorije.
- (14) dokaz o poznavanju rada na računaru.
- (15) dokaz o aktivnom poznavanju jednog stranog jezika
- (16) program rada i razvoja Turističke zajednice.

Naprijed navedeni dokumenti, koji se prilazu uz prijavu, moraju biti originali ili ovjerene kopije dokumenata (ovjera ne starija od 3 mjeseca).

OSTALE NAPOMENE

Mandat direktora Turističkog ureda Turističke zajednice traje 4 (četiri) godine i može biti ponovo biran.

Komisija će u razmatranje uzeti samo blagovremeno dostavljene prijave.

Neblagovremeno dostavljene koverta će biti vraćene kandidatima.

Svi kandidati koji ispunjavaju opće i posebne uslove javnog konkursa biće pozvani na intervju. O terminu održavanja intervju, kandidati će biti obavješteni najmanje tri dana prije održavanja, putem e-mail, telefona ili putem pošte. Neposredno prije intervju kandidati su dužni dati podatke o ranijim rukovodiocima od kojih se mogu dobiti preporuke i informacije o kandidatu.

Nakon provedene procedure javnog konkursa, Komisija će, na osnovu u potpunosti dokumentovanih odluka svakog člana Komisije, Turističkom vijeću Turističke zajednice dostaviti izvješće o provedenom postupku sa listom uspješnih kandidata.

Direktora Turističkog ureda Turističke zajednice , na prijedlog Turističkog vijeća, imenuje i razrješuje općinski načelnik uz saglasnost općinskog vijeća.

Smatra se da je kandidat koji je prvi na listi i kojeg je predložila većina od ukupnog broja članova Komisije, kao najuspješniji prošao otvorenu konkurenciju.

Protiv Odluke o imenovanju direktora Turističkog ureda Turističke zajednice može se podnijeti prigovor u roku od osam (8) dana od prijema Odluke.

Prigovor se podnosi Turističkom vijeću Turističke zajednice.

Izabrani kandidat biće u obavezi, u roku od 7 (sedam) dana od dana imenovanja, dostaviti ljekarsko uvjerenje kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta za koji je Javni konkurs raspisan,

ROK I MJESTO ZA PODNOSENJE PRIJAVA

Prijavu sa dokumentacijom utvrđenom tačkom V javnog konkursa potrebno je dostaviti u roku od 15 (petnaest) dana od dana posljednjeg objavijivanja javnog konkursa. Javni konkurs objavit će se u «Službenim novinama Federacije Bosne i Hercegovine», Web stranici općine Travnik, i u Dnevnom listu "Oslobođenje". Prijavu sa traženom dokumentacijom dostaviti lično na protokol ili preporučenom pošiljkom na adresu:

OPĆINA TRAVNIK
TURISTIČKA ZAJEDNICA OPĆINE TRAVNIK
TURISTIČKI URED

Ulica: Konatur
72270 Travnik
sa naznakom:

„Prijava na Javni konkurs za izbor i imenovanje direktora Turističkog ureda Turističke zajednice Općine Travnik“

/NE OTVARATI/

Na poledini koverta upisati ime i prezime podnosioca prijave, adresu i kontakt telefon. Neblagovremene i nepotpune prijave neće se uzeti u razmatranje.

TURISTIČKA ZAJEDNICA OPĆINE TRAVNIK
TURISTIČKO VIJEĆE

Dragan Martić
Predsjednik Turističkog vijeća

